

Binuhatan 8:26-40

GINTAWAG NGA MAG-ISA... (3 KA BUTANG)

- 1ST – GINTAWAG SANG DIOS SI FELIPE NGA MAGLAKAT SA KAMINGAWAN... vs. 26-29
 - 1st – Ang angel sang Dios nagsilig tindog ka magalakat sa desierto... vs. 26
 - Ginhambalan Niya si Felipe maglakat sa desierto nga wala may naga-istar...
 - Pero wala Siya naghambal kun ano ang iya dapat himuon...
 - Ngaa ginpahalin sa lugar nga damo ang nagakaluwas pakadto sa desierto...
 - Ang Ginoo wala nagasugid sa aton sa bilog nga plano-isa isa ka tikang ang iya nasugo...
 - **Salmo 119:105** – “Ang imo pulong pareho sa suga nga nagahatag kasanag sa akon alagyan.”
 - Kun may flashlight ka ginatuon mo layo sa imo para ka kita ka sang imo kadtuan...
 - Pero ang Pulong sang Dios suga sa aton tiil-para makita ang dason nga tikang...
 - Kun kita magtikang- makita mo ang dason nga tikang!
 - Kun kabalo kita kun diin kita makadto/ano himuon-indi kinanglan ang pagtuo!
 - 2nd – Si Felipe nagtindog kag naglakat... vs. 27
 - Si Felipe may rason nga magduda sa mando sang Dios...
 - Sigurado indi sa pagtawgon sang Dios sa iya pagpangwali nga damo gakuwas...
 - Pero wala pag duda ukon pamangkot, nag tuman siya...
 - May istorya nga ang isa ka pamatan-on naluwas...
 - Galakat siya sa dalan, ginsugo siya sang Ginoo nga magsingit ‘palangga ka ni Jesus!’
 - Natingala siya kay daw kahalam-utan man sina...
 - Wala man tawo sa iya palibot-gani nagsinggit siya ‘Palangga ka ni Jesus!’
 - Gulpi lang may naguwa sa isa ka balay-‘nagsingit ka?’
 - Nahuya siya kag gin-ako nga ginsugo siya sang Dios nga magsinggit...
 - Ang ini nga tawo manginmatay na tani kag gulpi lang nakabati ‘palanga ka ni Jesus’.
 - Naghambal siya Ginoo kun ara ka dira kinanglan ko makabati sa imo subong gid...
 - Kag tuog nakabati ako sang imo singgit- ‘Palangga ka ni Jesus!’
 - Kun suguon ka sang Ginoo-nagatuman ka ukon ga duha duha...
 - Nagapangita kita sang mga rason ngi indi magtuman-damo balibad...
 - Sa aton nga pagtuman sa Ginoo ang dalagko nga mga butang naga katabo!
 - Indi na dapat mabal-an ni Felipe kun ngaa ginsugo siya nga mapa desierto...
 - Ang dapat lang niya mabal-an nga ang Ginoo nagsugo sa iya nga maglakat!
 - Kag ang Ginoo nga bahala sang iban!
 - **2 Corinto 5:7** – “Kay sa karon nagakabuhi kita sa pagtuo kag indi suno sa aton makita.”
 - Piyong imo mata kag may isa nga mag giya sa imo mahambal lang -tuo/wala/pundo.
 - Dako nga pagtuo sa sina nga tawo nga magsalig nga indi ka pag intuon...
 - Amo ini ang nahambal sang Dios-saligi ang Iya Pulong/indi aton makita!
 - Mas gusto naton makita kun diin makadto antis magtikang...
 - Pero gusto sang Ginoo magtikang kita kag ipakita Niya kun diin kita makadto...

- Kaangay kay Felipe saligan ang Ginoo magsiling Siya lakat-Siya bahala sang tanan!

● 2ND – SA DESIERTO MAY ISA KA TAWO HALIN SA ETHIOPIA... vs. 27-35

o 1ST - May gamay kita nga nabal-an sa sini nga tawo... 27

- Isa siya ka Eunuch-ang buot silingon sini nga wala siya asawa...
 - Dako ang iya awtoridad kay siya ang nagakapyot kwarta sang Rayna...
 - Candice -indi ngalan kundi tawag sang Rayna sang Ethiopia...
 - Isa siya ka tawo nga may gahom kag manggad kay may Bibliya (scroll) siya...
 - Sa ila tion wala pa Xerox -ang tanan magkopya sulaton gid isa-isa-mahal ang bayad.
 - Gani kun may kopya ka sang Bibliya-buot silingon mangaranon ka!
- Malakat siya sa Jerusalem sa pasimba sa Dios...
 - Ang ini na Eunuch handa magbiyahe bisan layo sa pagkilala sa Ginoo...
 - Kay kay nagapangit siya sa Ginoo-ang Ginoo nagpakita sa Iya!
 - Kalabanan kun magpalapit sa Ginoo-hapaw indi bug-os nga tagipusoon...
 - Ang simbahan ang pinaka katapusan sa listahan sang kalabanan nga mga tawo...
 - Kun may party/boxing/pista -ara dayo- mas labaw pa sa paglakat sa simbahan...
 - Basi magkadto gid man sa simbahan kun wala na gid himuon nga iban...
 - Kag maningala sila nga wala naga istorya ang Ginoo sa ila kun mag-abot sila...
 - **Jeremias 29:13** – “Kon magadangop kamo sa akon sing tinagipusoon, buligan ko kamo.”
- Kag daw indi maintiendihan nga ipadala sang Ginoo si Felipe sa isa ka tawo...
 - Ang iban nagapati nga ang ini nga tawo dako ang iya impluwensya sa iban...
 - o Pagbalik niya sa Ethiopia basi nanugid siya sang Pulong sang Dios...
 - o Galing wala wala kita sang ebedesnya nga masiguro ini...
 - o 300 ka tuig nagligad ang Kristianismo nagsulod sa Ethiopia! Which is interesting
 - o Si Felipe isa ka ordinaryo nga tawo sa Samaria nga gusto magwali sa kalibutan...
 - o Pero biyaan ang damo nga mga tawo-daw indi maintiendihan!
 - o Nagatan-aw kita kun pila ka bilog nga tawo kun gamay gani nasubuan kita...
 - o Gusto naton Samaria-pero indi kita gusto magkadto sa desierto!
 - Ang Ginoo gusto nagalab-ot sa isa...
 - o **Lucas 15:8** – “Ukon halimbawa may isa ka babayi nga may napulo ka sinsilyo. Ano ayhan ang iya himuon kon madula ang isa? Siyempre sindihan niya ang suga kag silhigan sing maayo ang iya balay agod pangitaon ang sinsilyo hasta nga makita niya ini.”
 - o Kun madula imo 10k-pangitaon mo ukon pabay-an lang...
 - o Kaagi ka bala batyag nga daw indi ka importante sa Ginoo...
 - o Sa kadamo naga kalatabo sa kalibutan-sin-o ka gid nga dumdumon sang Ginoo...
 - o Kaangay sa aton pagpangita sang nadula nga kwarta...
 - o Ang Ginoo mangita sa aton kun diin man kita sa kalibutan kay malahalon kita sa Iya..
 - o Pinasahi kita tanan sa Iya- nagakalipay Siya kun may isa sa aton nga makita!
- o 2ND –Ang Ethiopia nga tawo nagabasa sang libro nga Isaias... vs. 28-31
 - Ginabasa niya ang **Isaias 53** - Namangkot si Felipe kun naintiendihan niya...
 - Indi niya maintiendihan kay wala sang may nag explekar sa iya...

- Kaagi ka baton nagtalang nga text nga indi para sa imo...
- Indi ma maintiendihan kay indi para sa imo...
- Ang Bibliya ginsulat sang Ginoo para sa Iya kabataan...
- Kun indi ka naluwas kun magbasa ka sang Bibliya daw text para sa iban!
- **1 Corinto 2:14** – “Pero ang tawo nga wala sa iya ang Espiritu sang Dios indi magbaton sang mga pagpanudlo nga halin sa Espiritu, tungod nga para sa iya kabuangan lang ini. Kag indi niya ini maintiendihan tungod nga ang Espiritu gid lang sang Dios amo ang makabulig sa iya sa pag-intiendi sini.”
- Kabalo si Felipe sang Pulong gani nagpaathag niya ini sa Eunuch...
 - Ang kalibutan nagatan-aw sa Bibliya/Jesus-kag indi sila maka intiendi...
 - Paano maka intiendi kag maluwas ang tawo kun wala kita nagapanugid sang Pulong...
 - Kabalo kita nga damo ang wala nagapati kay Jesus-ano aton dapat himuon
 - Isugid naton si Jesus-ihatag sa ila ang mensahi sang kaluwasan- **Roma 10:14-15**...
- o 3rd - Indi to na timingan nga nagabasa ang Ethiopia nga tawo **Isaias 53**... vs. 32-35
 - Indi matabo nga nabasa parti si Jesus sa New Testament kay wala pa na sulat ini...
 - Pero makita nga samo sa Old Testament nagahambal parti kay Jesus - **Lucas 24:27**
 - Kag ini nga bahin sang Bibliya ang pina importante...
 - **Isaias 53:5-6** – “Ginpilas siya tungod sa aton mga paglapas; ginhanot siya tungod sa aton mga kalautan. Ang silot nga iya gin-antos amo ang nakahatag sa aton sang maayo nga kahimtangan kag paagi sa iya mga pilas gin-ayo kita. Tanan kita pareho sa mga karnero nga nagtalang; kada isa sa aton nagpagusto kon ano ang iya luyag himuon. Pero siya ang ginpaantos sang Ginoo sang silot nga para kuntani sa aton tanan.”
 - Gintagna na ang kamatayon kag pagkabanhaw ni Jesus para sa kaluwasan!
 - Amo ni nga bahin ang nabasa sang Ethiopian...
 - Kun kita magsunod sa Ginoo-Siya tanan ang naga obra...
 - Wala na pagbira bira obra-bahin lang kita sa Iya ginahimo...
 - Gin-abrihan ni Felipe ang iya baba kag nagsugod panugid kay Jesus... vs. 35
 - Ang aton bahin sa obra sang Dios simple Katama-abrihan ta lang aton baba!
 - Nakulbaan kita magsugid sang aton pagtuo sa iban...
 - Abi naton dapat may sabat kita sa tanan nga pamangkot...
 - Ang Ginoo nagapakighambal sa aton sa tion nga kinahanglan...
 - Ang dapat mangin handa kita sa pag abri sang aton baba sa pagsugid kay Jesus...
- 3RD – **PAGTUO KAG PAG BAUTISO ... vs. 36-40**
 - o 1st – Ang Ethiopia namangkot kay Felipe kun pwede siya baustisohan... vs. 36-39
 - Naglabay sila sa daw sapa sa desierto-kag gin bautishohan siya ni Felipe...
 - Ang pagbautiso indi makaluwas- ginpakita lang sa guwa nga nagtuo ka...
 - **Roma 6:4** – “Gani ang pagbautiso sa aton nagapakilala nga sang napatay si Cristo, kita napatay man kag ginlubong upod sa iya, agod subong nga si Cristo ginbanhaw sang makagagahom nga Amay, kita magakabuhi man sang bag-o nga kabuhi.”
 - Indi imporatante kun diin ka bautisohan ukon sin-o nag bautiso sa imo...
 - Kay naluwas kita s akita nagtuo kay Jesus– **Roma 10:9-10**
 - Ang pagbautiso napakita sa kalibutan kun ano natabo sa sulod sang kabuhi!
 - Sang pagkatapos bautiso ni Felipe sa Ethiopia na tawo-nadula siya gulpi...
 - Ginsabnit siya-*Harpazo (Rapture)* – **1 Tesalonica 4:17**

- o Ang Ginoo 'nagsabnit' kay Felipe kag nagdala sa iya sa iban nga lugar...
- o Wala na siya nakita sang Ethiopian -pero naglakat siya nga nagkalipay!
- o Ang pagsabnit siguro para ato sa Ethiopia nga tawo...
- o Para siguro mabuligan pabakod ang iya bag-o nga pagtuo...
- Sin-o gid ya si Felipe nga manugid sang Pulong-ari nagbautiso sang isa ka opisyal.
 - o Ang pamatuod sang awtoridad sang gahom sang Dios napakita diri..
 - o Ang pamatuod sa pagtawag sang Dios-makita sa kabuhi nga nagbag-o nga aton ginsugiran!
- o 2nd - Gindala si Felipe sa siyudad sang Azotus (*Ashdod*)... vs. 40
 - Nagpangwali sang Pulong sa tanan na siyudad sa baybayon asta sa Caesarea...
 - Si Felipe matutom nga waiter – matutom sa gagmay sang mga butang...
 - Si Felipe matutom sa pagsugid sang Pulong sa Samaria-damo ang naluwas...
 - Si Felipe matutom sa paglab-ot sang Ethiopian-bisan isa lang!
 - Si Felipe matutom bisan ano himuon sa pagsunod sa Dios...
 - Ang Ginoo matutom man sa pagpadako sang diosnon nga mga bata paagi kay Felipe.
 - Nagpabilin siya sa Caesaria, kag nag atipan sang 4 niya ka bata nga babayi-
Binuhatan 21:8...
 - Ang aton kabataan nagatan-aw sa aton katutom sa pagsunod kay Jesus-kag nagasunod sa aton!
 - Kun may kabudlayan sa pamilya naga tinguha kita nga kay-uhon ini...
 - Imbis nga kita ang mag kay-o dapat ang Ginoo-kag mangin ihimplo sa mga bata!
 - Si Felipe handa kun ano ang ipa obra sang Ginoo sa iya...
 - Nangin waiter/nagwali sa Samaria/nag wali sa isa ka tawo/nangin tatay...
 - Importante nga ang aton kabuhi na base kay Jesus!
 - Ginalimitan naton kun kaisa nga isa lang ka butang aton nahimo sa Ginoo...
 - Manug panilhig lang ko ya/ manugbantay lang ko ya bata/ driver lang ko ya
 - Amo lang gid na aton ginahimo kag indi na maghimo sang iban pa...
 - Dapat matutom kun diin kita makadto kag anoa ton himuon...
 - Kun sin-o man kita indi na base sa aton nahimo/ukon sa aton pag-alagad...
 - Kita bahin kay Cristo-handa kita maghimo sang itawag sang Dios sa aton!
 - Ang isa nga nagapabilin sa aton kabuhi kag garantisado amo si Jesus!